
Fiev Johr – un dat Fүүr lunnert noch

IN D' LUUR

Karin Böhmer

redaktion@on-online.de



Ik bün nu siet fiev Jahr troot. Un man seggt alltied: Dat is good, wenn dat Fүүr in't Hart blifft. Dat is so. Man gifft ok anner Bispillen. De Raad in Auerk is nu nett so lang „troot“ as mien Mann un ik. Fiev Johr – un dat Fүүr van de Raads-lüü lunnert ok noch nett so fors as 2016. Womögelt forser. Man Fүүr in't Hart gifft Rook in d' Kopp. Klook Hanneln word denn nich lichter. Un bi de Raad hett dat ok nix mit Leevede to doon. Geiht d'r faken hoch her. Kannst blied wesen, wenn se nich mit hör Koffjetassen smieten. Dat geiht nich um de Saak alleen, daar is mest düchtig Diesigkeit bi. Nu ok weer, as dat um de Lüchtfilters för Scholen gung. Mennig en weer an't Schuumbecken. Villicht mutt de Raad ok so'n Filter hebben. Dat de Lücht weer wat reiner word.
